



27. december 2007

Inatsisartut Suleriaasianni § 36 imm.1 tunngavigalugu Naalackersuisunut apeqquteqaatit mak-kua apeqquteqaatiginiarpakka:

Naalackersuisunut apeqquteqaatit:

- 1. Kalaallit-nunaanni ajunaarnersuaqartillugu sillimasut ajunaarnernik annertuunik, soorlu umiarsuarsuit takornariartaatit tusind-inik arlalinnik ilaasullit apornerini, kii-salu uuliamik annertuumik aniasoortoqartillugu, suliaqarnissamut piareersimanerlu-tik? Apeqquteqaatit akissuteqarfigineqarnerini Kalaallit-nunaanni ajunaarnersuaqar-tillugu sillimasut ajunaarnersuarmik qanoq annertutigisumik suliaqarsinnaanersut i-lanngullugu nassuaatigineqarnissaa kissaatigineqarpoq.**
- 2. Ajunaarnersuarnik taamaattunik pisoqariaasaarsinnaanissaa eqqarsaatigalugu Kalaal-lit-nunaat nunanik saniliminik qanoq suleqateqarnissaq pillugu isumaqatigiissuteqar-pa?**

Tunuliaquttat

Aallaqqaasiutigalugu Naalackersuisunut ilaasortaq Kim Kielsen Kalaallit-nunaanni sillimanis-samut pilersaarutit pillugit apeqquteqaatinnut akissutaanut qujassuteqarusuppunga. Kisiannili taamaakkaluartoq ernummatigisannut arlaqartunut akissuteqaatinik suli maannakkumut amingaa-teqarpunga.

Taakkualu una ilagaat:

Aasaq umiarsuapiluunersuaq takormariartaat Kalaallit-nunaata imartaani angalavoq – Grand Princess – 3.600 misaaniittunik ilaasoqarluni. Umiarsuaq ikkarlissimagaluarpat, imaluunniit Titanic-itut ilulissamut aporsimagaluarpat ima angitigisunik umiarsuaateqanngilagut inuit Grand Princess-imiittut tamakkerlugit annaassinnaassanagit. Aamma umiarsuaq taama angitigisoq avataaniilluni ajornartorsiulissagaluarpat qallunaat alapernaarsuutaanik umiarsuup inuttaanik taama amerlatigisunik annaassiniartussamik peqanngilaq, tassami qulimiguullit pigineqartut Lynx-it tallimanik arfinilinnilluunniit taamaallaat ilaasoqarsinnaasut pigineqarput kiisalu sakkutuut ala-pernaarsuutaat Vædderen annerpaamik 200-300-nik ilaasoqarsinnaavoq.

Tamanna tassa ilaasunik angallassinermut tunngavoq, allali eqqarsaatigisariaqagaq tassa umiarsuarsuit Grand Princess-itut ittut uuliamik aniasoorsinnaanissaat. Kalaallit-nunaanni mingutsitsisoqarnissaanut sillimanissamut upalungaarutit umiarsualivinnut annikitsumik mingutsitsisoqarnissamut naatsorsuussaapput, taamaammallu imaannarmi taamatut ajutoortoqarnissamut sillimasoaqanngilluinnarluni.

Kalaallit-nunaanni sillimanissamut akisussaaffik taamaallaat basisliniap iluani atuuppoq - tassa imaappoq avasinnerpaamik 3 sømil tikiinnalugu. 3 sømil-imiit avammut nunat tamat imartaat ti-



killugu sillimanissaq qallunaat naalagaaffiata akisussaaffigaa. Nunatsinnilu ikkarluit amerlanerpaartaat avammut 3 s̆milimik killigititap iluaniipput, taamaattumillu ilimanarluinnarpoq uuliamik aniasoornikkut mingutsitsinermik siammartitsinaveersaarnissaq annertunerpaamik Kalaallit-nunaata akisussaaffigissagaa.

Umiarsuapiluunersuarni takornariaqartaatini issimasut 3.600-sut tamaasa isumannaatsumik anaallugit nunamut pissutissagaluarutsigit taava sumut inissikkallassavagut? Taakunannga qassit napparsimmavinni ikiorsinnaassavagut? Tamakkunuunatigut takusinnaavarput Kalaallit-nunaat ajutoornernut taama annertutigisumut sulississalluni piareersimanngilluinartoq. Ajoraluartumillu uvani apeqqutaanngilaq taamatut pisoqaratarsinaannera, kisiannili apeqqutaavoq TAAMATUT pisoqarpat? Sakkutuut imarsiortut nakkutilliisuisa ataasiaratik naammattoortarpaat umiarsuarsuit takornariartaatit immap assingisigut nalunaarsugaanngitsutigut ingerlaartut. Tassa imatut paasisariaqarpoq umiarsuarsuit tamakkua isumannaatsumik ingerlaaratik ilaasutik alutorisassarsiortaraat. Eqqarsaatigilluarlugu ulorianartumik ingerlaartut.

Taamaattumik Demokraatiniit Naalakkersuisut siunnersorusuppavut Kalaallit-nunaat sullimaniarnikkut akuerineqarsinnaasumik annertussusilernissaa sulissutigineqassasoq. Tassami naammangilaq nunarput umiarluapiluunersuarnik takornariartaatinik orminneqartartut taaguinnassallugu, taamatummi inissinnitsinni akusussaaffeqarnerput malinaatittariaqaratsigu.

Apeqquteqaatit ullut suliffiusut qulit qaangiutsinnagit akissuteqarnigineqarnissaat kissaatigaara.